


I vutomi bya mbyana



Namuntlha Abby na Lebo va
khandziyile bazi ra xikolo.
Zubi mbuyangwana, a yi
khandziyangi bazi.

"E -e Zubi, a wu nge khandziyi!"
ku vula Abby. "Timbyana a ti
pfumeleriwangi!"



Namuntlha Abby na Lebo a
va yile elayiburari.

Zubi mbuyangwana, a yi
nga pfumeleriwi ku nghena
elayiburari.

"E -e Zubi, a wu nge ngheni!"
ku vula Abby. "Timbyana a
ti pfumeleriwangi!"



Namuntlha Abby na Lebo a
va yile eribuweni ra lwandle.

Zubi mbuyangwana, a yi nga
pfumeleriwi ku ya eribuweni
ra lwandle.

"E-e Zubi, a wu nge
fambi na hina!" ku vula
Abby. "Timbyana a ti
pfumeleriwangi!"





Namuntlha Abby na
Lebo a va yile ku ya
tlanga ephakeni.

Zubi mbuyangwana, a
yi nga pfumeleriwi ku
nghena ephakeni.

"E-e Zubi, a wu nge
ngheni!"

ku vula Abby. "Timbyana
a ti pfumeleriwangi!"





Zubi mbuyangwana, yi
tshama ehansi ka murhi
egedeni.

"Grr!" ku vula Zubi. Yi yimile
yi tlhela yi yima.

Zubi yi khoma hi vurhongo yi
etlela. Zzzzzz ...

Kutani yi sungurile ku lorha.





Xana Zubi yi lorhile yini?

Zubi yi lorhile yi ri endzeni ka bazi.

"Ndzi ta tshama eka xitulu xa le mahlweni xa bazi," ku vula Zubi.

Zubi yi languta ehandle hi fasitere ra bazi.



Zubi yi lorha yi ri endzeni ka tlilasi.
Zubi a yi tshamile emahlweni
etlilasini.

“Ndzi yimele nkarhi wa lanci,” ku
vula Zubi.

“Ndzi jahele nkarhi wa ku tlanga,”
ku vula Zubi.




Zubi yi lorha yi ri eribuweni
ra lwandle. Yi lorhe yi ri ku
celeni esaveni no famba hi bodo
ehenhla ka magandlati endzeni
ka lwandle.


Zubi a yi ri ku tiphineni.

"Vutomi bya tsakisa!" yi
huwelela.





Kutani Zubi yi lorha yi ri ephakeni
na timbyana tin'wana to tala.
Timbyana letikulu, swimbyanyana,
timbyana to leha na timbyana
to koma. Zubi yi tlulela eka
machinginyo. "Chinginya,
Chinginya!" yi yimbelela.




Zubi yi rhendzeleka-rhendzeleka
eka xirhendzelekisi. Yi yile ehenhla
na le hansi hi xirhetisi. Yi yile
ehenhla na le hansi hi xidewuso.
Endzhaku ka sweswo Zubi yi cela
mugodi esaveni. Zubi yi tiphinile
swinene.

Kutani ...

Lebo na Abby va fikile egedeni.
"Pfuka Zubi! Hi ya ekaya sweswi,"
ku vula Abby.

"Mmm? Pfuka?" ku vula Zubi.
"Mi vula leswaku a ndzi ri eku
lorheni?"

"Hawa! I vutomi bya mbyana!" ku
ehleketa Zubi.



Migungiriko ya ku hlaya hi mitlawa





1

Languta swifaniso leswi landzelaka. Hlamusela munghana wa wena leswi humelelaka eka xifaniso xin'wana na xin'wana.

Byela munghana wa wena leswaku i xifaniso xihi lexi faneleke ku va xo sungula, xa vumbirhi, xa vunharhu na xo hetelela.

Hlamusela munghana wa wena xitori nakambe u tirhisa swifaniso.



2

Encenyetani xitori.



3

Hlayela munghana wa wena swivulwa leswi landzelaka.
Endzhaku tlhela u hlamusela munghana wa wena xitori
hi ku swi hlaya hi ndzandzelelano lowu faneleke.

- | | |
|----|--|
| 1. | Zubi yi lorha yi ri endzeni ka lwandle. |
| 2. | Zubi yi lorha yi ri ephakeni. |
| 3. | Zubi yi khoma hi vurhongo yi etlela egedeni. |
| 4. | Zubi a yi ngheni endzeni ka phaka. |
| 5. | Zubi ya pfuka. |



4

Hetisa nghingiriko lowu landzelaka.

- a. Lava rito eka rixaxa rin'wana na rin'wana leri fanaka na rito
ra le ka kholomu yo sungula.

ribuwa	buwa	huwa	ribuwa
vona	wona	vona	rona
pfuka	pfuxa	pfuva	pfuka
hlambela	hlambela	fambela	tsakela

- b. Lava rito exitorini leri nga na nhlamuselo leyi fanaka na
marito lama landzelaka:

languta nkama swakudya

khida

khensa

phaphama

- c. Hetisa swivulwa leswi landzelaka hi marito lama faneleke:

Zubi a _____ nga pfumeleriwi ku nghena elayiburari.

Timbyana hinkwato a _____ tiphina ephakeni.

- d. Lava exitorini marito lama nga na mipfumawulo leyji landzelaka u tlhela u ya tsala: e- -e -ile

- e. Tsala nxaxameto wa swilo leswi Zubi a yi lava ku swi endla exitorini. Tirhisa hefemulo ku hambanisa swiendaleko.



5

Lava exitorini swivulwa leswi nga na swihikahato leswi landzelaka u tlhela u swi tsala ehansi:



b

Vulavula hi xitori:

- I yini vito ra xitori lexi?
- I vamani swimunhuhatwankulu swa xitori lexi?
- Vula swilo swinharhu leswi Zubi a yi lava ku swi endla.
- Xana u ehleketa leswaku lexi i xitori xa ntiyiso?
- Ku humelela yini eku sunguleni?
- Ku humelela yini exikarhi?



7

Tsala xitori hi 3 wa swivulwa u tlhela u dirowa xifaniso xa xitori xa wena.